

ՄԻՋԱԶԳԱՅԻՆ ԳԻՏԱԺՈՂՈՎ ԵՐԵՎԱՆՈՒՄ

Արտերկրի հայկական պատմա-մշակութային ժառանգության ուսումնասիրման և պահպանման խնդիրներին էր նվիրված մայիսի 20-24-ը Երևանում անցկացված գիտաժողովը, որին մասնակցում էին տասնվեց երկրներից ժամանած թվով ութսուն մասնակիցներ: Այն կազմակերպվել էր ՀՀ Մշակույթի, երիտասարդության հարցերի և սպորտի նախարարության, ՀՀ Պատմության և մշակույթի հուշարձանների պահպանման վարչության համատեղ ջանքերով, ինչպես նաև Հայկական հուշարձանների պետական ֆոնդի (ԺՖՆ), «Երկիր և մշակույթ» կազմակերպության, Հայկական ճարտարապետության ուսումնասիրության կենտրոնի (RAA), Unesco-ի և Icomos-ի հայկական ընկերությունների օժանդակությամբ:

Գիտաժողովի բացումը տեղի ունեցավ ՀՀ Ազգային Ակադեմիայի կենտրոնական սրահում՝ մշակույթի նախագահ պարոն Ռուանդ Շառլայանի նախագահությամբ: Ողջույնի խոսքերով հանդես եկան՝ համուն Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի՝ Կաթողիկոսական Ընդհանուր Փոխանորդ Տ. Գարեգին արքեպս. Ներսիսյանը (տե՛ս էջ 20), ՀՀ Ազգային ժողովի նախագահ Խոսրով Հարությունյանը և ուրիշներ:

Լիագումար նիստին ղեկույցներ կարդացին Հուշարձանների պահպանության վարչության նախագահ Գ. Գյուլջյանը, Հայկական պատմական հուշարձանների պահպանության ֆոնդի (ԺՖՆ) նախագահ Տ. Մեսրոպ արքեպս. Աշխյանը, Ժան Սիշել Թիերին (Ֆրանսիա), Թոմ Ամուելյանը (ԱՄՆ), Գեղամ Գևորգյանը (Ֆրանսիա), Տ. Միքայել Ժ. վրդ. Աջապահյանը (Հայաստան):

Շարաթ և կիրակի օրերին չորս նիստերով և երկու մասնաճյուղերով ներկայացվեցին 36 ղեկույցներ՝ Հայաստանի, ազատագրված տարածքների, Վրաստանի, Նախիջևանի, Թուրքիայի, Իրանի, Ռումինիայի, Եգիպտոսի, Լեհաստանի, Հունգարիայի և Իտալիայի հայկական հուշարձանների ու եկեղեցիների մասին:

Երկու մասնաճյուղերի ներկայացրած թեմաներն էին՝ ա) Վիճակագրություն և իրավունք («Հայկական անշարժ հուշարձանների վիճակն արտերկրում և դրանց պահպանության կազմակերպումն ըստ միջազգային ու պետական օրենքների») և բ) Հետազոտում («Արտերկրի հայկական պատմա-մշակութային ժառանգության վավերագրման և ուսումնասիրման խնդիրները»):

Նիստերն անցկացվեցին «Էրեբունի» հյուրանոցի սրահում, ուր և կազմակերպվել էր ճարտարապետական ցուցահանդես:

Առանձնակիորեն կարևորելով այս համաժողովի նշանակությունը, շաբաթ օրը, հետկեսօրին, չնայած առողջական ծանր վիճակին, մասնակիցներին ընդունեց Ամենայն Հայոց Գարեգին Ա Կաթողիկոսը: Վեհարանի սրահում Նորին Սրբության օրհնանքի խոսքն ընթերցեց Կաթողիկոսական Ընդհանուր Փոխանորդ Տ. Գարեգին արքեպս. Ներսիսյանը: Ապա հյուրերն այցելեցին Սայր Տաճար, Սուրբ Գայանե և Սուրբ Հռիփսիմե եկեղեցիներ, Զվարթնոցի ավերակված տաճար:

Կիրակի երեկոյան, վերջին լիագումար նիստին, գիտաժողովն ընտրեց համազգային խորհուրդ և 25 անդամներից բաղկացած գործադիր մարմին:

Ժողովը որոշեց նաև իրատարակել հռչակագիր՝ միաժամանակ խնդրելով զանգվածային լրատվամիջոցների լայն արձագանքն ու աջակցությունն այդ խնդրում: